


詩家全體



卷七
 七言側律 七言拗體 七言排律
 絕句古體 絕句變體 六句變體
 句變體 七言古
 卷八
 七言長篇 八言詩 九言詩
 長短句 三五七言 一三五七九言
 一字至七字 一字至十字
 雜三五七言古

漢書門			
一	二	三	四
冊	架	函	號

庫文閣內	
漢	11504
冊數	10 (5)
函號	363 66



詩家全體卷之七

送神

黃岡李之用輯

第李之周

姪咳

閩縣楊如春全校

○七言側律

有平律必有側律此體僅見數家人知有五言側律而不知有七言何耶

送神

武后代

徵穆敷華能應節飄揚發彩宜行慶送迎靈駕神心
饗跪拜靈壇禮容盛氣和草木發萌芽德暢禽魚遂

言家全骨
翔泳永望翠蓋逐流雲自茲率土調春令

李別駕壁一首

高適

去鄉不遠逢知己握手相歡得如此禮樂遙傳魯伯禽
賓客爭過魏公子酒筵莫散明月上櫪馬常鳴春風起
一生稱意能幾人今日從君問終始

寒食城東即事

王維

清溪一道穿桃李演漾綠蒲涵白芷溪上人家凡幾家
落花半落東流水蹴踘屢過飛鳥上鞦韆競出垂楊裏
少年分日作遨遊不用清明兼上巳

春曉曲

溫庭筠

家臨長信往來道乳燕雙雙掠烟草油碧車輕金犢肥
流蘇帳煖春鷄報籠中嬌鳥曉猶睡簾外落花閒不掃
衰桃一樹近前池似惜紅顏鏡中老

龍陽縣歌

劉禹錫

縣門白日無塵土百姓縣前挽魚罟主人引客登大堤
小兒縱觀黃犬怒鷓鴣驚鳴遶籬落橘柚垂芳映窓戶
沙平草綠見吏稀寂歷斜陽照懸鼓

○七言拗體

拗體奇崛矯健非大有筆力者不能作故子美居多

鄭駙馬潛曜宅宴洞中

杜甫

主家陰洞細烟霧，留客夏簟清琅玕。春酒杯濃琥珀薄，冰漿椀碧瑪瑙寒。誤疑茅堂過江麓，已入風磴雲端自是秦樓壓鄭谷。時聞雜珮聲珊珊。

白帝城最高樓

城尖徑昃旌旄愁，獨立縹緲之飛樓。峽折雲霾龍虎踞，江清日抱龜鼉遊。扶桑西枝封斷石，弱水東影隨長流。杖藜歎世者，誰子泣血迸空迴白頭。

曉發公安數月憇息此縣

北城擊柝復欲罷，東方明星亦不遲。隣鷄野哭如昨日，物色生態能幾時。舟楫渺然自此去，江湖遠適無前期。出門轉盼已陳迹，藥餌扶吾隨所之。

暮歸

霜黃碧梧白鶴棲，城上擊柝復烏啼。客子入門月皎皎，誰家搗練風淒淒。南渡桂水闕舟楫，北歸秦川多鼓鼙。年過半百不稱意，明日看雲還杖藜。

題省中院壁

掖垣竹埤梧十尋，洞門對雪常陰陰。落花游絲白日

熊清

靜鳴鳩乳燕青春深腐儒衰晚謬通籍退食遲回違寸心衮職曾無一字補許身愧比雙南金

九日

去年登高鄴縣北今日重在涪江濱苦遭白髮不相放羞見黃花無數新世亂鬱鬱久為客路難悠悠長傍人酒闌却憶十年事腸斷驪山清路塵

晝夢

二月饒睡昏昏然不獨夜短晝分眠挑花氣煖眼自醉春渚日落夢相牽故鄉門巷荆棘底中原君臣豺

虎邊安得務農息戰鬪普天無吏橫索錢

酌酒與裴迪

三四聯與結句不宜用平調

王維

酌酒與君君自寬人情翻覆似波瀾白首相知猶按劍朱門先達笑彈冠草色全經細雨濕花枝欲動春風寒世事浮雲何足問不如高卧且加餐

石城

鄭谷

石城昔為莫愁鄉莫愁竟散石城荒江人依舊掉舴艑江岸還是飛鴛鴦帆去帆來風浩渺花開花謝春悲涼烟濃草遠望不盡千古漢陽閑夕陽

曲江春感

羅隱

江頭日暖花又開江東行客心悠哉高陽酒徒半凋
落終南山色空崔嵬聖代也知無棄物侯門未必用
非才滿船明月一竿竹家在五湖歸去來

山中即事

李郢

雨濕孤蒲斜日明茅厨煮繭掉車聲青蛇上竹一種
色黃葉隔溪無限情何處漁樵將遠餉故園田土憶
春耕千峯藹藹水瀟瀟羸馬此中愁獨行

○七言排律 共八首

閨怨篇

江總

寂寂青樓大道邊紛紛白雪綺窓前池上鴛鴦不自
宿帳中蘇合還空然屏風有意障明月燈火無情照
獨眠遼西水凍春應少薊北鴻來路幾千願君關山
及早渡念妾桃李片時妍

觀德舞

張昭

高廟明靈再啓圖金根玉輅幸神都巢阿丹鳳銜書
命入昴飛星獻寶符正撫薰弦娛赤子忽登僊駕泣
蒼梧薦櫻鶴館笳簫咽酌鬯金楹劍珮趨星俎雲壘

兼魯禮朱干象箭雜巴渝氤氳龍麝交青瑣髮髯金
鑿下蕊珠薦豆奉觴親玉几配天合祖耀璿樞受釐
飲酒皇歡洽仰俟餘靈泰九區

題鄭十八著作文

杜甫

台州地闊海冥冥雲水長和島嶼青亂後故人雙別
淚春深逐客一浮萍酒酣嬾舞誰相拽詩罷能吟不
復聽第五橋東流恨水皇陂岸北結愁亭賈生對鵬
傷王傳蘇武看羊陷賊庭可念此公懷直道也霑新
國用輕刑禰衡實恐遭江夏方朔虛傳是歲星窮巷

悄然車馬絕案頭乾死讀書螢

清明

杜甫

此身飄泊苦西東右臂偏枯半耳聾寂寂繫舟雙下
淚悠悠伏枕左書空十年蹴踘將雛遠萬里鞦韆習
俗同旅鴈上雲歸紫塞家人鑽火用青楓秦城樓閣
煙花裏漢主山河錦綉中春水春來洞庭濶白蘋愁
殺白頭翁

別山僧一首

李白

何處名僧到水西乘舟弄月宿溼溪平明別我上山

詩家全覽 卷之七
去手携金策踏雲梯。勝身轉覺三天近。舉足回看萬
嶺低。謔浪首君支道下。風流還與遠公齊。此度別離
何日見。相思一夜暝猿啼。

從軍行

崔融

窮廬雜種亂金方。武將神兵下玉堂。天子旌旂過細
柳。匈奴運數盡枯楊。關頭落月橫西裔。塞下凝雲斷
北荒。漠漠邊城飛衆鳥。昏昏朔氣聚羣羊。依稀蜀杖
迷新竹。髣髴胡床識故桑。臨海舊來聞驃騎。尋河本
自有中郎。坐看戰壁爲平土。近待軍營坐破羌。

秘書省有賀監知章草題詩筆力道健風尚高

遠拂塵尋玩因有此作

温庭筠

越溪漁客賀知章。任達憐才愛酒狂。鸚鵡葦花隨釣
艇。蛤蜊菰葉夢橫塘。幾年涼夜拘華省。一宿秋風憶
故鄉。榮路脫身終自得。福庭回首莫相忘。出籠鸞鶴
歸遼海。落筆龍蛇滿壞墻。李白死來無醉客。可憐神
彩吊殘陽。

送裴相公上太原

王建

還攜堂印向并州。將相兼權是武侯。時難獨當天
下

言家全骨 卷之七 二百六
事功成却進手中籌再三陳乞爐烟裏前後分張王
案頭朱駕早朝排立戟綠袍殘雨看張油遙知雁塞
從今好直到漁陽以北愁邊舖恐巡旂盡換山城欲
過館重修千羣白刃兵迎節一對紅粧妓打毬聖主
分明教暫去不須高起見京樓

○絕句古體

共八首

隔谷歌

古辭

兄爲俘虜受困辱骨露力疲食不足弟爲官吏馬食
粟何惜錢刀來我贖

又

列坐華筵紛羽爵清曲未終月將落歌舞及時酒常
酌無令朝露坐銷鑠

飲福

武后

憂王縱金末頌聲壓絲孤竹和且清靈歆醉止犧象
盈自天降福千萬齡

捉搦歌

無名氏

華陰山頭百丈井下有流水徹骨冷可憐女子能照
影不見其餘見斜領

又

黃桑拓屐蒲子履中央有絲兩頭繫小時憐母大憐
壻何不早嫁論家計

入蒲關先寄秦中故人一首

岑參

秦山數點似青黛渭水一條如白練京師故人不可
見寄將兩眼看飛燕

秋夜曲

貫休

蟋蟀切切風騷騷芙蓉噴香蟾蜍高孤燈耿耿征婦
勞更深撲落金剪刀

又

王建

秋燈向壁掩洞房良人此夜直明光天河悠悠漏水
長南樓北斗兩相當

○絕句變體

用兩韻為變

烏棲曲

簡文帝

浮雲似帳月如鈎那能夜夜南陌頭○宜城新醞今
夜孰停鞍繫馬暫棲宿

又

織女屏風金屈膝朱唇玉面燈前出○相看氣色望

君憐誰能含羞不向前

又

梁元帝

沙棠作船桂為楫夜渡江南採蓮葉○復值西施新
浣沙共向江干眺月華

又

濃黛輕紅點花色還欲令人不相識○金壺夜水詎
能多莫持奢用比懸河

烏棲曲

陳後主

陌頭新花歷亂生葉裡春鳥送春情○長安遊俠無

數伴白馬驪珂路中滿

又

合歡襦薰百和香床中被織兩鴛鴦○烏啼漢沒天
應曙只持懷抱送郎去

寒夜懷友

王勃

北山烟霧始茫茫南津霜月正蒼蒼○秋深客思紛
無已復值征鴻中夜起

又

複閣重樓向浦開秋風明月渡江來○故人故情懷

詩家全書 卷之七
故宴相望相思不相見

○六句變體 八首

思邊一首

李白

去年何時君別妾南園綠草飛蝴蝶○今歲何時妾
憶君西山白雪暗秦雲玉關此去三千里欲寄音書
那可聞

烏夜啼

李白

黃雲城邊烏欲棲歸飛啞啞枝上啼○機中織錦秦
川女碧紗如煙隔窗語停梭悵然憶遠人獨宿孤房

淚如雨

白雲歌送友人

楚山秦山多白雲白雲處處長隨君○君今還入楚
山裏雲亦隨君渡湘水水上女蘿衣白雲早卧早行
君早起

巴陵寄李二戶部張四禮部

賈至

江南芳草初纂纂愁殺江南獨遊客○秦中楊柳也
應春轉憶秦中相別人萬里鶯花不相見登高一望
淚沾巾

古意曲

劉 瑶 女

梧桐階下月團團洞房如水秋夜闌○吳刀剪破機頭錦茱萸花墜相思枕綠窓寂莫背燈時暗數寒更不成寢

寄遠曲

王 建

美人別來無處所巫山明目湘江雨千回相見不分明井底看星夢中語○兩心相對尚難知何況萬里不相疑

又

張 籍

美人來去春江暖江頭無人湘水滿浣紗石上水禽棲江南路長春日短○蘭舟桂檝常渡江無因常寄雙瓊璫

醉題沈子明壁

白居易

不愛君家十叢菊不愛君家萬竿竹愛君簾下唱歌人色如芙蓉聲如玉○我有陽關君未聞若聞亦應愁殺君

○八句變體共二十首

襍曲一首

江 總

言家全骨 卷之七
行行春逕，薜蘿綠織素。那復解琴心，乍愜南階悲綠。
草誰堪東陌，怨黃金。○紅顏素月俱三五，夫婿何在
今追虜，關山隴月春雪水。誰見人啼花照戶。

姬人怨

天寒海水慣相知，空床明月不相宜。庭中芳桂憔悴
葉，井上踈桐零落枝。○寒燈作花羞夜短，霜雁多情
恒結伴，非爲隴水望秦川。直置思君腸自斷。

江南曲

宋之問

憶昔江南年盛時，平生怨在長洲曲。冠蓋星繁江水
上，衝風標落洞庭綠。○落花點袖紅紛紛，朝霞高閣
洗晴雲。誰言此處嬋娟子，珠玉爲心以奉君。

蜀中送人遊廬山

君行正值芳春月，蜀道千山皆秀發。溪邊十里五里
花，雲外三峯兩峯雪。○君上匡山我舊居，松蘿拋擲
十年餘。君行試到山前問，山鳥只今相憶無。

寒食江州滿塘驛

去年上巳洛橋邊，今年寒食廬山曲。遙憐鞏樹花應
滿，復見吳洲草新綠。○吳洲春草蘭杜芳，感物思歸

懷故鄉驛騎明朝發何處猿聲今夜斷君腸

軍中人日登高贈房明府

宋之問

幽郊昨夜陰風斷頓覺朝來陽吹暖涇水橋南柳欲黃
杜陵城北花應滿○長安昨夜寄春衣短翮登茲一望歸
聞道凱旋乘騎入看君走馬見芳菲

至端州驛見杜五審言沈三佺期間五朝隱王

二無競題壁慨然成詠

宋之問

逐臣北地承嚴譴謂到南中每相見豈意南中岐路多
千山萬水分鄉縣○雲搖雨散各翻飛海濶天長

音信稀處處山川同瘴癘自憐能得幾人歸

滕王閣

王勃

滕王高閣臨江渚佩玉鳴鸞罷歌舞畫棟朝飛南浦雲
朱簾暮捲西山雨○閒雲潭影日悠悠物換星移幾度秋
閣中帝子今何在檻外長江空自流

夜聞簫箏

杜甫

夜聞簫箏滄江上衰年側耳聽清響隣舟一聽多感傷
塞曲三更歛悲壯○積雪飛霜此夜寒孤燈急管復風湍
君知天地干戈滿不見江湖行路難

近聞

杜甫

近聞犬戎遠遁逃。牧馬不敢侵臨洮。渭水逶迤白日靜。隴山蕭瑟秋雲高。○崆峒五原亦無事。北庭數有關中使。似聞贊普更求親。舅甥和好應難棄。

採蓮曲

李白

若耶溪旁採蓮女。笑隔荷花共人語。日照新粧水底明。風颺香袖空中舉。○岸上誰家遊冶郎。三三五五映垂楊。紫騮嘶入落花去。見此踟躕空斷腸。

春日獨坐寄鄭明府

李白

燕麥青青遊子悲。河堤弱柳鬱金枝。長條一拂春風去。盡日飄揚無定時。○我在河南別離久。那堪坐此對窓牖。情人道來竟不來。何人共醉新豐酒。

述德兼陳情上寄舒大夫

李白

天為國家孕英才。森森矛戟擁靈臺。浩蕩深謀噴江海。縱橫逸氣走風雷。○丈夫立身有如此。一呼三軍皆披靡。衛青謾作大將軍。白起真成一豎子。

偃師東與韓樽同詣景雲暉上人即事

岑參

山陰老僧解楞伽，
頽陽歸客遠相過。
煙深草濕昨夜雨，
雨後秋風渡漕河。
○空山終日塵事少，
平郊遠見行人小。
尚書磧上黃昏鐘，
別駕渡頭一歸鳥。

七夕

崔顥

長安城中月如練，
家家此夜持針線。
仙裙玉佩空自知，
天上人間不相見。
○長信深陰夜轉幽，
瑤階金閣數螢流。
班姬此夕愁無限，
河漢三更看斗牛。

宿東谿李十五山亭

王季友

上山下山入山谷，
谿中落日留我宿。
松石依依當主人，
主人不在意亦足。
○名花出地兩重階，
絕頂平天一小齋。
本意由來是山水，
何用相逢語舊懷。

送客還江東

錢起

還家不落春風後，
數日應沾越人酒。
池畔花深鬪鴨闌，
橋邊雨洗葳鴉柳。
○遙憐內舍着新衣，
復向隣家醉落暉。
把手閑歌香橘下，
空山一望鷓鴣飛。

春日留別一首

孫逖

春路逶迤花柳前，
孤舟晚泊就人烟。
東山白雪不可見，
西陵江月夜娟娟。
○春江夜盡潮聲渡，
征帆遙向

此中去越國山川看漸無可憐愁思江南樹

春遊曲

權德輿

光風淡蕩百花吐樓上朝朝學歌舞身年二八壻侍
中幼妹承恩兄尚主○綠窻珠箔綉鴛鴦侍婢先焚
百和香鶯啼日出不知曙寂寂羅幃春夢長

放牛歌

陸龜蒙

江草秋窮似秋半十角吳牛放江岸隣肩抵尾乍依
偎橫去斜奔忽分散○荒陂斷塹無端入背上時時
孤鳥立日暮相將帶雨歸田家烟火微茫濕

○七言古詩

共三十八首

燕歌行

魏文帝

秋風蕭瑟天氣涼草木搖落露為霜群燕辭歸鴈南
翔念君客遊思斷腸慙慙思歸戀故鄉君何淹留寄
他方賤妾犢守空房憂來思君不敢忘不覺淚下
霑衣裳接琴鳴絃發清商短歌微吟不能長明月皎
皎照我床星漢西流夜未央牽牛織女遙相望爾獨
何辜限河梁

梅花落

江總

臘月正月早驚春衆花未發梅花新○可憐芬芳臨
 玉臺朝攀晚折還復開○長安少年多輕薄兩兩共
 唱梅花落滿酌金卮催玉柱落梅樹下宜歌舞○金
 谷萬株連綺薨梅花密處藏嬌鶯○桃李佳人欲相
 照摘葉牽花來並笑○楊柳條青樓上輕梅花色白
 雪中明○橫笛短簫淒復切誰知柏梁聲不絕

燕歌行

王 褒

初春麗景鸚欲嬌桃花流水沒河橋薔薇花開百重
 葉楊柳覆池數千條隴西將軍號都護樓蘭校尉稱

嫖姚○自從昔別春燕分經年一去不相親無復漢
 地關山月唯有漠北薊城雲淮南桂中明月影流黃
 機上織成文○充國行軍屢築營陽史討虜陷平城
 城下風多能却陣沙中雪淺詎停兵屬國小婦猶年
 少羽林輕騎數征行遙聞陌上採桑曲猶勝邊地胡
 笳聲○笳聲向暮使人泣還使閨中空竚立○桃花
 落地杏花舒桐生井底寒葉踈試為來看上林雁應
 有遙寄隴頭書

公子一首

劉希夷

天津橋下陽春水。天津橋上繁華子。馬聲迴合青雲外。人影搖動綠波裏。綠波清迴玉爲沙。青雲離披錦作霞。可憐楊柳傷心樹。可憐桃李斷腸花。此日遨遊邀美女。此時歌舞入倡家。○倡家美女鬱金香。飛去飛來公子傍。的的珠簾白日映。娥娥玉顏紅粉粧。花際徘徊雙蛺蝶。池邊顧步兩鴛鴦。傾國傾城漢武帝。爲雲爲雨楚襄王。○古來容光人所羨。况復今日遙相見。願作輕羅着細腰。願爲明鏡分嬌面。與君相向轉相親。與君雙棲共一身。願作貞松千歲古。誰論芳

桂一朝新百年同謝西山日千秋萬古北邙塵

明河篇

宋之問

八月涼風天氣晶。萬里無雲河漢明。昏見南樓清且淺。曉落西山縱復橫。○洛陽城闕天中起。長河夜夜千門裏。○複道連薨共蔽虧。畫堂瓊戶特相宜。雲母帳前初汎濫。水晶簾外轉逶迤。○倬彼昭回如練白。復出東城接南陌。○南北征人去不歸。誰家今夜搗寒衣。鴛鴦機上踈螢度。烏鵲橋邊一雁飛。○雁飛螢度愁難歇。坐見明河漸微沒。已能舒卷任浮雲。不惜

光輝讓流月。○明河可望不可親。願得乘槎一問津。
更將織女支機石。還訪成都賣卜人。

代悲白頭翁

劉庭芝

洛陽城東桃李花。飛去飛來落誰家。洛陽兒女惜顏色。
行逢落花長嘆息。今年花落顏色改。明年花開復
誰在。已見松柏摧為薪。更聞桑田變成海。古人無復
洛城東。今人還對落花風。年年歲歲花相似。歲歲年
年人不同。寄言全盛紅顏子。應憐半死白頭翁。○此
翁白頭真可憐。伊昔紅顏羨少年。公子王孫芳樹下。

清歌妙舞落花前。光祿池臺開錦繡。將軍樓閣盡神
仙。一朝病卧無相識。三春行樂在誰邊。宛轉蛾眉能
幾時。須臾鶴髮亂如絲。但看古來歌舞地。惟有黃昏
鳥雀飛。

飲馬長城窟行

王翰

長安少年無遠圖。一生惟羨執金吾。麒麟殿前拜天
子。走馬為君西擊胡。○胡沙獵獵吹人面。漢虜相逢
不相見。遙聞鐘鼓動地來。傳道單于夜猶戰。此時顧
恩寧顧身為君。一行摧萬人。壯士揮戈迴白日。單于

濺血汗朱輪歸來飲馬長城窟長城道傍多白骨問
之耆老何代人云是秦王築城卒○黃昏塞北無人
烟鬼哭啾啾聲沸天無非見誅功不賞孤魂流落此
城邊當昔秦王按劍起諸侯膝行不敢視富國強兵
二十年築怨聲冤九千里○秦王築城何太愚天實
亡秦非北胡一朝禍起蕭牆內渭水咸陽不復都

渭城少年行

崔顥

洛陽三月梨花飛秦地行人春憶歸揚鞭走馬城南
陌朝逢驛使秦川客○驛使前日發章臺傳道長安

春早來棠梨宮中燕初至葡萄館裏花正開○念此
使人歸更早三月便達長安道○長安道上春可憐
搖風蕩日曲河邊萬戶樓臺臨渭水五陵花柳滿秦
川○秦川寒日盛繁華遊子春來喜見花聞雞下社
塵初合走馬章臺日半斜○章臺帝城稱貴里青樓
日晚歌鍾起貴里豪家白馬驕五陵年少不相饒雙
雙挾彈來金市兩兩鳴鞭上渭橋渭城橋頭酒初熟
金鞍白馬誰家宿○可憐錦瑟箏琵琶玉臺清酒就
君家小婦春來不解羞嬌歌一曲楊柳花

初入秦川路寒食

唐玄宗

洛川芳樹映天津，灞岸垂楊宰地新。
 直爲經過行樂處，不知虛度兩京春。
 去年餘閨今春早，曙色和風着花草。
 可憐寒食與清明，光輝併在長安道。
 自從關路入秦川，爭到何人不戲鞭。
 公子途中妨蹴鞠，佳人馬上廢鞦韆。
 渭水長橋今欲渡，忽忽漸見新豐樹。
 遠看驪岫入雲霄，預想湯池起烟霧。
 霧氣氛氲水殿開，暫拂香泉歸去來。
 今歲清明行已晚，明年寒食更相陪。

春江花月夜

張若虛

春江潮水連海平，海上明月共潮生。
 滌滌隨波千萬里，何處春江無月明。
 江流宛轉繞芳甸，月照花林皆似霰。
 空裏流霜不覺飛，汀上白沙看不見。
 江天一色無纖塵，皎皎空中孤月輪。
 江畔何人初見月，江月何年初照人。
 人生代代無窮已，江月年年望相似。
 不知江月照何人，但見長江送流水。
 白雲一片去悠悠，青楓浦上不勝愁。
 誰家今夜扁舟子，何處相思明月樓。
 可憐樓上月徘徊，應照離人粧鏡臺。

戶簾中卷不去，擣衣砧上拂還來。○此時相望不相聞，願逐月華流照君。鴻鴈長飛光不度，魚龍潛躍水成文。○昨夜閑潭夢落花，可憐春半不還家。江水流春去欲盡，江潭落日復西斜。斜月沉沉藏海霧，碣石瀟湘無限路。不知乘月幾人歸，落月搖情滿江樹。

貧交行

杜甫

翻手作雲覆手雨，紛紛輕薄何須數。君不見管鮑貧時交，此道今人棄如土。

今夕行

杜甫

今夕何夕歲云徂，更長燭明不可孤。咸陽客舍一事無，相與博塞為歡娛。馮陵大叫呼五白，袒跣不肯成臯盧。英雄有時亦如此，邂逅豈即非良圖。○君莫笑劉毅從來布衣願，家無儋石輸百萬。

莫相疑行

杜甫

男兒生無所成頭皓白，牙齒欲落真可惜。憶獻三賦蓬萊宮，自恠一日聲輝赫。○集賢學士如堵牆，觀我落筆中書堂。往時文彩動人主，此日飢寒趨路傍。晚將末契託年少，當面輸心背面笑。寄謝悠悠世上兒，

詩家全骨 卷之七
不爭好惡莫相疑

哀江頭

杜甫

少陵野老吞聲哭，春日潛行曲江曲。
江頭宮殿鎖千門，細柳新蒲爲誰綠。
憶昔霓旌下南苑，苑中萬物生顏色。
昭陽殿裏第一人，同輦隨君侍君側。
輦前才人帶弓箭，白馬嚼齧黃金勒。
翻身向天仰射雲，一箭正墮雙飛翼。
明眸皓齒今何在，血污遊魂歸不得。
清渭東流劍閣深，去住彼此無消息。
一人生有情，淚沾臆。江水江花豈終極，
黃昏胡騎塵滿城。欲往城南忘城北。

漢陂行

杜甫

岑參兄弟皆好奇，携我遠來遊漢陂。
天地黯慘忽異色，波濤萬頃堆琉璃。
琉璃汗漫泛舟入，事殊興極憂思集。
鼉作鯨吞不復知，惡風大浪何嗟及。
○主人錦帆相爲開，舟子喜甚無氛埃。
鳧鷖散亂棹謳發，絲管啁啾空翠來。
○沉竿續蔓深莫測，菱葉荷花淨如拭。
宛在中流渤澥清，下歸無極終南黑。
○半陂已南純浸山，影動裊窕冲融間。
船舷暝戛雲際寺，水面月出藍田關。
○此時驪龍亦吐珠，馮夷擊鼓群龍趨。湘

詩家全書 卷之七
三百
妃漢女出歌舞金枝翠旗光有無咫尺但愁雷雨至
蒼茫不曉神靈意○少壯幾時奈老何向來哀樂何
其多

怨情

李白

新人如花雖可寵故人似玉由來重花性飄揚不自
持玉心皎潔終不移故人昔新今尚故還見新人有
故時請看陳后黃金屋寂寂珠簾生網絲

把酒問月

李白

青天有月來幾時我今停盃一問之人攀明月不可
得月行却與人相隨○皎如飛鏡臨丹闕綠烟滅盡
清輝發但見宵從海上來寧知曉向雲間沒○玉兔
搗藥秋復春姮娥孤恹與誰隣今人不見古時月今
月曾經照古人○古人今人若流水共看明月皆如
此惟願當歌對酒時月光長照金樽裏

感遇

岑參

五花驄馬七香車云是平陽帝子家鳳皇城頭日欲
斜門前高樹鳴春鴉○漢家魯元君不聞今作城西
一古墳昔來惟有秦王女獨自吹簫乘白雲

火山雲歌送別一首

岑參


火山突兀赤亭口，火山五月火雲厚。
○火雲滿山凝未開，飛鳥千里不敢來。
平明乍逐胡風斷，薄暮渾隨塞雨回。
繚繞斜吞缺關樹，氛氲半掩交河戍。
迢迢征路火山東，山上孤雲隨馬去。

與獨孤漸道別長句兼呈嚴八侍御

岑參

輪臺客舍春草滿，穎陽歸客腸堪斷。
窮荒絕漠鳥不飛，萬積千山夢猶懶。
○憐君白面一書生，讀書千卷

未成名，五侯貴門脚不到。
數畝山田身自耕，○興來浪迹無遠近。
及至辭家憶鄉信，無事垂鞭信馬頭。
西南幾欲窮天盡，○奉使三年獨未歸。
邊頭詞客舊來稀，借問君來得幾日。
到家不覺換春衣，○高齋清晝卷羅幕。
紗帽接離慵不着，中酒朝眠日色高。
彈棋夜半燈花落，○冰片高堆金錯盤。
滿堂凜凜五月寒，桂林蒲桃新吐蔓。
武城刺蚤未可餐，○軍中置酒夜搗鼓。
錦筵紅燭月未午，花門將軍善胡歌。
葉河蕃王能笑語，○知爾園林壓渭濱。
夫人堂上泣羅裙，魚龍川



北磐溪雨鳥鼠山西泚水雲○臺中嚴公於我厚別
後新詩滿人口自憐棄置天西頭因君為問相思否

老將行

王維

少年十五二十時步行奪取胡馬騎射殺山中白額
虎背數鄴下黃鬚兒一身轉戰三千里一劍曾當百
萬師漢兵奮迅如霹靂虜騎崩騰畏蒺藜衛青不敗
由天幸李廣無功緣數奇○自從棄置便衰朽世事
蹉跎成白首昔時飛箭無全目今日垂楊生左肘路
傍時賣故侯瓜門前學種先生柳蒼茫古木連窮巷

寥落寒山對虛牖誓令踈勒出飛泉不似潁川空使
酒○賀蘭山下陣如雲羽檄交馳日夕聞節使三河
募年少詔書五道出將軍試拂鏤衣如雪色聊持寶
劍動星文願得燕弓射天將敢令越甲鳴吳軍莫嫌
舊日雲中守猶堪一戰立功勲

行路難

高適

長安少年不少錢能騎駿馬鳴金鞭五侯相逢大道
邊美人絃管爭留連黃金如斗不敢惜片言如山莫
棄捐安知顛顛讀書者暮宿靈臺私自憐

邯鄲少年行

高適

邯鄲城南遊俠子，自矜生長邯鄲裏。千場縱博家仍富，幾度報讐身不死。○宅中歌笑日紛紛，門外車馬如雲屯。未知肝膽向誰是，令人却憶平原君。○君不見今日交態薄，黃金用盡還踈索。以茲感歎辭舊遊，更于時事無所求。且與少年飲美酒，往來射獵西山頭。

隴頭吟

王維

長城少年游俠客，夜上戍樓看太白。隴頭明月尚臨

關隴上行人夜吹笛。○關西老將不勝愁，駐馬聽之雙淚流。曾經大小百餘戰，麾下偏裨萬戶侯。蘇武纔為典屬國，節旄空落海西頭。

湖中對酒作

張謂

夜行不厭湖上月，晝行不厭湖上山。眼前一樽又長滿，心中萬事如等閑。○主人有黍萬餘石，濁醪數斗應不惜。即今相對不盡歡，別後相思復何益。○茱萸灣頭歸路賒，願公且宿黃公家。風光若此人不醉，參差辜負東園花。

白紵辭

楊衡

玉纓翠珮雜輕羅香汗微漬朱顏醜為君起唱白紵
歌清聲裊雲思繁多凝笳哀琴時相和○金壺半傾
芳夜促梁塵霏霏暗紅燭令君安坐聽終曲墜葉飄
花難再復

輕薄行

僧齊已

玉鞭金鐙驕騶蹄橫眉吐氣如虹霓五陵春暖芳草
齊笙歌到處花成泥日沉月上且鬪鷄醉來莫問天
高低伯陽道德何涕唾仲尼禮樂徒卑栖

採蓮曲 一首

徐玄之

越艷荆姝慣採蓮蘭橈畫楫滿長川○秋來江水澄
如練映水紅粧如可見○此時蓮浦珠翠光此日荷
風羅綺香○纖手周遊不暫息紅英爛熳殊未極○
夕鳥栖林人欲稀長歌哀怨採蓮歸

江上曲

李嘉祐

江心淡淡芙蓉花江口蛾眉獨浣沙○可憐應是陽
臺女坐對鷺鷥嬌不語掩面羞看北地人回身忽作
空山雨○蒼梧秋色不堪論千歲依依帝子蒐君看

峯上斑斑竹，盡是湘妃泣淚痕。

鷄鳴曲

星稀月沒上五更，膠角角鷄初鳴。征人牽馬出門立，辭妾欲向安西行。再鳴引頸簷頭下，月中角聲催上馬。○纔分地色第三鳴，旌旆紅塵已出城。婦人上城亂招手，夫壻不聞遙哭聲。○長恨鷄鳴別時苦，不遣雞栖近窓戶。

百舌吟

劉禹錫

曉星寥落春雲低，初聞百舌間關啼。花枝滿空迷處所，搖動繁英墜。紅雨笙簧百轉音，韻多黃鸝吞聲燕。無語。○東方朝日遲遲升，迎風弄影如自矜。○數聲不盡又飛去，何許相逢綠楊路。○綿蠻宛轉似娛人，一心百舌何紛紜。酡顏俠少停歌聽，墮珥妖姬和睡聞。○可憐光景何時盡，誰能低迴避鷹隼。廷尉張羅自不開，潘郎挾彈無情損。○天生羽族爾何微，舌端萬變乘春暉。南方朱鳥一朝見，索莫無言蒿下飛。

別梁錕

李頎

梁生倜儻心不羈，途窮氣蓋長安兒。回頭轉盼似鵬

鶚有志飛鳴人豈知。雖云四十無祿位。曾與大軍堂
 書記。抗辭兩請誅部曲。作色論兵犯二帥。一言不
 龍額。侯擊劔拂衣從此棄。○朝朝飲酒黃公壚。脫帽
 露頂爭叫呼。庭中犢鼻昔嘗掛。懷裡琅玕今在無。時
 人見子多落魄。共笑狂歌非遠圖。忽然遣躍紫駟馬。
 還是昂藏一丈夫。○洛陽城頭曉霜白。層冰峨峨滿
 川澤。但聞行路吟新詩。不歎主客無儋石。○莫言貧
 賤長可欺。覆篋成山當有時。莫言富貴長可託。木槿
 朝看暮還落。不見古時塞上翁。倚伏由來任天作。○
 去去滄波勿復陳。五湖三江愁殺人。

贈別張駙馬

戎昱

上元年中長安陌。見君朝下欲歸宅。飛龍騎馬三十
 匹。玉勒雕鞍照初日。○數里衣香遙撲人。長衢雨歇
 無纖塵。從奴斜抱勅賜錦。雙雙蹙出金麒麟。○天子
 愛堦皇后弟。獨步明時負權勢。一身扈蹕承殊澤。甲
 第朱門聳高戟。鳳凰樓上伴吹簫。鸚鵡杯中醉留客。
 ○泰去否來何足論。宮車宴駕人事翻。一朝負譴辭
 丹闕。五年待罪湘江源。○冠冕淒涼幾遷改。眼見桑

田變成海華堂金屋別賜人細眼黃頭總何在○青
官相見寸心悲懶欲今時問昔時看君風骨殊未歇
不用愁來雙淚垂

贈鄭兵曹

韓退之

樽酒相逢十載前君為壯夫我少年樽酒相逢十載
後我為壯夫君白首○我才與世不相當戰鱗委翅
無復望當今賢俊皆周行君何為乎亦遑遑○盃行
到君莫停手破除萬事無過酒

求仙行

張籍

漢皇欲作飛仙子年年採藥東海裏蓬萊無路海無
邊方士舟中相就死○招搖在天因白日其泉玉樹
無仙實九皇真人終不下空向離宮祠太乙丹田有
氣凝素華君能保之昇絳霞

浩歌行

白居易

天長地久無終畢昨夜今朝又明日髮髮蒼浪牙齒
踈不覺身年四十七○前去五十有幾年把鏡照面
心茫然既無長繩係白日又無大藥駐朱顏○朱顏
日漸不如故青史功名在何處欲留年少待富貴富

貴不來年少去○去復去兮如長河東流赴海無迴
波賢愚貴賤同歸盡北邙塚墓高嵯峨古來如此非
獨我未死有酒且酣歌顏面短命伯夷餓我今所得
亦已多功名富貴須待命命若不來知奈何

無為洞口作

元結

無為洞口春水蒲無為洞傍春雲白愛此踟躕不能
去令人悔作衣冠客○洞傍山僧皆學禪無求無欲
亦忘年欲問其心不能問我作山中得無悶

江南行

羅隱

江烟濕雨鮫綃軟漠漠遠山眉黛淺水國多愁又有
情夜槽飲酒銀船滿○細柳搖烟凝曉空吳王臺榭
春夢中鴛鴦鷓鴣喚不起平鋪綠水眠東風○西陵
路遠月悄悄油壁車輕蘇小小

七卷終

詩家全體卷之八

黃岡李之用輯

弟李之本

子畛

閩縣鄭梁全校

○七言長篇 共七首

長安古意

盧照隣

長安大道連狹斜，青牛白馬七香車。
玉輦縱橫過主第，金鞍絡繹向侯家。
龍銜寶蓋承朝日，鳳吐流蘇帶

晚霞百丈遊絲爭繞樹。一群嬌鳥共啼花。○啼花戲蝶千門側。碧樹銀臺萬種色。複道交牕作合歡。雙闕連甍垂鳳翼。梁家畫閣天中起。漢帝金臺雲外直。樓前相望不相知。陌上相逢詎相識。○借問吹簫向紫烟。曾經學舞度芳年。得成比目何辭死。願作鴛鴦不羨仙。比目鴛鴦真可羨。雙去雙來君不見。生憎帳額繡孤鸞。好取開簾帖雙燕。○雙燕覆飛遶畫梁。羅幃翠被鬱金香。片片行雲着蟬鬢。纖纖初月上鴉黃。○鴉黃粉白車中出。含嬌含態情非一。妖童寶馬鐵連

錢娼婦盤龍金屈膝。○御史府中烏夜啼。廷尉門前雀欲棲。隱隱朱城臨玉道。遙遙翠幃沒金堤。挾彈飛鷹杜陵北。探丸借客渭橋西。俱邀俠客芙蓉劍。共宿娼家桃李蹊。○娼家日暮紫羅裙。清歌一轉口氤氳。北堂夜夜人如月。南陌朝朝騎似雲。○南陌北堂連北里。五劇三條控三市。弱柳青槐拂地垂。佳氣紅塵暗天起。○漢代金吾千騎來。翡翠屠蘇鸚鵡杯。羅襦寶帶爲君解。燕歌趙舞爲君開。○別有豪華稱將相。轉日回天不相讓。意氣由來排灌夫。專權判不容蕭

相○專權意氣本豪雄青虬紫燕坐生風自言歌舞
長千載自謂驕奢凌五公○節物風光不相待桑田
碧海須臾改昔時金階白玉堂只今惟見青松在○
寂寂寥寥拂子居年年歲歲一牀書獨有南山桂花
發飛來飛去襲人裾

龍門應制

宋之問

宿雨霽氛埃流雲度城闕河堤柳新翠苑樹花先發
○洛陽花柳此時濃山水樓臺映幾重群公拂霧朝
翔鳳天子乘春幸鑿龍○鑿龍近出王城外羽從林

瀉擁軒蓋雲蹕絕臨御水橋天衣已入香山會○山
壁嶄巖斷復連清流澄徹俯伊川塔影遙遙淥波上
星龕奕奕翠微邊層巒舊長千尋木遠壑初飛萬丈
泉○綵仗紅旌遶香閣下輦登高望河洛東城宮闕
擬昭回南陌溝塍殊綺錯○林下天香七寶臺山中
有酒萬年杯微風一起祥花落仙樂初鳴瑞鳥來○
鳥來花落紛無已稱觴獻壽香霞裡○歌舞淹留景
欲斜石間猶駐五雲車鳥旗翼翼留芳草龍騎駸駸
映萬花○千乘萬騎鸞輿出水靜山空嚴警蹕○

郊外喧喧引看人，傾都南望屬車塵。雷聲引颺聞黃道，王氣周回入紫宸。先王定鼎山河固，寶命乘周萬物新。吾君不事瑤池樂，時雨來觀農扈春。

洗兵馬行

杜甫

中興諸將收山東，捷書夜報清晝同。河廣傳聞一箭過，胡兒命在破竹中。祇殘鄴城不日得，獨在朔方無限功。京師皆騎汗血馬，回紇餒肉蒲萄宮。已喜皇威清海岱，常思仙仗過崆峒。三年笛裏關山月，萬國兵前草木風。成王功大心轉小，郭相謀深古來少。司徒

清鑒懸明鏡，尚書氣與秋天杳。二三豪俊為時出，整頓乾坤濟時了。東走無復憶鱸魚，南飛各有安巢鳥。青春復隨冠冕入，紫禁正耐烟花繞。鶴駕通霄鳳輦備，鷄鳴問寢龍樓曉。攀龍附鳳勢莫當，天下盡化為侯王。汝等豈知蒙帝力，時來不得誇身強。關中既留蕭丞相，幙下復用張子房。張公一生江海客，身長九尺鬚眉蒼。微起適遇風雲會，扶輿始知籌策良。青袍白馬更何有，後漢今周喜再昌。寸地尺天皆入貢，竒祥異瑞爭來送。不知何國致白環，復道諸山得


郊外喧喧引看人，傾都南望屬車塵。囂聲引颺聞黃道，王氣周回入紫宸。先王定鼎山河固，寶命乘周萬物新。吾君不事瑤池樂，時雨來觀農扈春。

洗兵馬行

杜甫

中興諸將收山東，捷書夜報清晝同。河廣傳聞一箭過，胡兒命在破竹中。祇殘鄴城不日得，獨在朔方無限功。京師皆騎汗血馬，回紇餒肉蒲萄宮。已喜皇威清海岱，常思仙仗過崆峒。三年笛裏關山月，萬國兵前草木風。成王功大心轉小，郭相謀深古來少。司徒

清鑒懸明鏡，尚書氣與秋天杳。二三豪俊為時出，整頓乾坤濟時了。東走無復憶鱸魚，南飛各有安巢鳥。青春復隨冠冕入，紫禁正耐烟花繞。鶴駕通霄鳳輦備，鷄鳴問寢龍樓曉。攀龍附鳳勢莫當，天下盡化為侯王。汝等豈知蒙帝力，時來不得誇身強。關中既留蕭丞相，幙下復用張子房。張公一生江海客，身長九尺鬚眉蒼。微起適遇風雲會，扶輿始知籌策良。青袍白馬更何有，後漢今周喜再昌。寸地尺天皆入貢，竒祥異瑞爭來送。不知何國致白環，復道諸山得



銀甕隱士休歌紫芝曲詞人解撰清河頌田家望望
惜雨乾布穀處處催春種淇上健兒歸莫懶城南思
婦愁多夢安得壯士挽天河洗淨甲兵長不用

憶舊遊寄譙郡元參軍

李白

憶昔洛陽董糟丘爲余天津橋南造酒樓黃金白壁
買歌笑一醉累月輕王侯○海內賢豪青雲客就中
與君心莫逆迴山轉海不作難傾情倒意無所惜○
我向淮南攀桂枝君留洛北愁夢思不忍別還相隨
○相隨迢迢訪仙城三十六曲水迴縈一谿初入千

花明萬壑度盡松風聲銀鞵金絡倒平地漢東太守
來相迎紫陽之真人邀我吹玉笙餐霞樓上動仙樂
嘈然宛似鸞鳳鳴○袖長管催欲輕舉漢中太守醉
起舞手持錦袍覆我身我醉橫眠枕其股○當筵意
氣凌九霄星離雨散不終朝分飛楚關山水遙余既
還山尋故巢君亦歸家渡渭橋○君家嚴君勇貔虎
作君并州遇戎虜五月相呼渡太行摧輪不道羊腸
苦○行來北涼歲月深感君貴義輕黃金瓊杯綺食
青玉案使我醉飽無歸心○時時出向城西曲晉祠

言家全譜卷之八
流水如碧玉浮舟弄水簫鼓鳴微波龍鱗莎草綠○
興來携妓恣經過其若楊花如雪何紅粧欲醉宜斜
日百尺清潭寫翠娥○翠娥嬋娟初月輝美人更唱
舞羅衣清風吹歌入空去歌曲自繞行飛雲○此時
行樂難再遇西游因獻長楊賦北闕青雲不可期東
山白首還歸去○渭橋南頭一遇君鄴臺之北又離
羣問余別恨知多少落花春暮爭紛紛○言亦不可
盡情亦不可極呼兒長跪緘此辭寄君千里遙相憶

驪山行

韋應物

君不見開元至化垂衣裳厭坐明堂朝萬方訪道靈
山降聖祖沐浴華池集百祥千乘萬騎被原野雲霞
草木相輝光禁仗圍山曉霜勁離宮積翠夜漏長王
階寂歷朝無事碧樹萎蕤寒更芳三清小鳥傳仙語
九華真人奉瓊漿○下元昧爽漏恒秩登山朝禮玄
元室翠華稍隱天半雲丹閣先明海中日○羽旗施
節憇瑤臺清絲妙管從空來萬井九衢皆仰望彩雲
白鶴方徘徊憑高覽古嗟寰宇造化茫茫思悠哉秦
川八水長繚繞漢氏五陵空崔嵬○乃言聖祖奉丹

言家全骨 卷之八
經以年爲日億萬齡蒼生成壽陰陽泰高謝前王出
塵外○英豪共理天下晏戎夷讐服兵無戰時豐賦
歛未告勞海濶珍竒亦來獻干戈一起文物乖歡娛
已極人事變聖皇弓劍墜幽泉古木蒼山閉宮殿纘
承鴻業聖明君威震六合驅妖氛太平遊幸今可待
湯泉嵐嶺還氛氲

從軍行

李昂

漢家未得燕支山征戌年年沙朔間塞下長驅汗血
馬雲中恒閉玉門關○陰山瀚海千萬里此日桑河

渠流水稽洛山邊雲騎來漁陽戍裏烽烟起○長途
羽檄何相望天子按劍思北方羽林練士拭金甲將
軍校戰出玉堂○幽陵異域風烟改亭障連連古今
在夜聳鴻鴈南渡河曉望旌旗北臨海○塞沙飛浙
瀝遙裔連窮磧玄漠雲平初合陣西山月出聞鳴鏑
○城南百戰多苦辛路傍死臥黃沙人○戎衣不脫
隨飄汗馬趨趨長被鐵楊葉樓中不寄書蓮花劍上
空流血○匈奴未滅不言家驅逐行行邊徼賒歸心
海外見明月別思天邊夢落花○天邊迴望何悠悠

芳樹無缺渡隴頭春雲不變陽關雪桑葉先知胡地
秋○田疇不賣盧龍策竇憲思勒嶽然石○縻兵靜
北垂此日交河湄欲令塞上無干戚會待單于繫頸
時

長恨歌

白居易

漢皇重色思傾國御宇多年求不得楊家有女初長
成養在深閨人未識天生麗質難自棄一朝選在君
王側回頭一笑百媚生六宮粉黛無顏色○春寒賜
浴華清池溫泉水滑洗凝脂侍兒扶起嬌無力始是

新承恩澤時雲髮花顏金步搖芙蓉帳暖度春宵春
宵苦短日高起從此君王不早朝○承歡侍燕無閑
暇春從春遊夜專夜後宮佳麗三千人三千寵愛在
一身金屋粧成嬌侍夜玉樓宴罷醉和春○姊妹弟
兄皆列土可憐光采生門戶遂令天下父母心不重
生男重生女○驪宮高處入青雲仙樂風飄處處聞
緩歌慢舞凝絲竹盡日君王看不足漁陽鞞鼓動地
來驚破霓裳羽衣曲○九重城闕煙塵生千乘萬騎
西南行○翠華搖搖行復止西出都門百餘里六軍

不發無柰何宛轉蛾眉馬前死○花鈿委地無人收
 翠翹金雀玉搔頭君王掩面救不得回頭血淚相和
 流黃埃散漫風蕭索雲棧縈紆登劔閣峨眉山下少
 人行旌旗無光日色薄○蜀江水碧蜀山青聖主朝
 朝暮暮情行宮見月傷心色夜雨聞鈴腸斷聲○天
 旋地轉龍回馭到此躊躇不能去馬嵬坡下泥土中
 不見玉顏空死處○君臣相顧盡沾衣東望都門信
 馬歸歸來池苑皆依舊太液芙蓉未央柳芙蓉如面
 柳如眉對此如何不淚垂春風桃李花開夜秋雨梧

桐葉落時西宮南苑多秋草落葉滿階紅不掃梨園
 子弟白髮新椒房阿監青娥老○夕殿螢飛思悄然
 孤燈挑盡未成眠遲遲更鼓初長夜耿耿星河欲曙
 天○鴛鴦瓦冷霜華重翡翠衾寒誰與共悠悠生死
 別經年冤魄不曾來入夢○臨邛道士鴻都客能以
 精神致冤魄為感君王展轉思遂教方士殷勤覓○
 排風馭氣奔如電升天入地求之徧上窮碧落下黃
 泉兩處茫茫皆不見忽聞海上有仙山山在虛無縹
 緲間○樓殿玲瓏五雲起其中綽約多仙子中有一

人字玉真雪膚花貌參差是。○金闕西廂叩玉扃轉
教小主報雙成。聞道漢家天子使。九華帳裡夢魂驚。
○攬衣推枕起徘徊。珠箔銀屏暹迤開。雲鬢半偏新
睡覺。花冠不整下堂來。○風吹仙袂飄飄舉。猶似霓
裳羽衣舞。玉容寂寞淚闌干。梨花一枝春帶雨。○含
情凝睇謝君王。一別音容兩渺茫。昭陽殿裡恩愛絕
蓬萊宮中日月長。○回頭下望人寰處。不見長安見
塵霧。惟將舊物表深情。鈿合金釵寄將去。○釵留一
股合一扇。釵擘黃金合分鈿。但念心似金鈿堅。天上

人間會相見。○臨別殷勤重寄詞。詞中有誓兩心知。
七月七日長生殿。夜半無人私語時。在天願作比翼
鳥。在地願爲連理枝。天長地久有時盡。此恨綿綿無
絕期。

琵琶行

白居易

潯陽江頭夜送客。楓葉荻花秋瑟瑟。○主人下馬客
在船。舉酒欲飲無管絃。○醉不成歡慘將別。別時茫
茫江浸月。忽聞水上琵琶聲。主人忘歸客不發。○尋
聲暗問彈者誰。琵琶聲停欲語遲。○移船相近邀相

見添酒回燈重開宴。千呼萬喚始出來。猶抱琵琶半
遮面。○轉軸撥絃三兩聲。未成曲調先有情。○絃絃
掩泣聲聲思似訴。平生不得志。低眉信手續續彈。說
盡心中無限事。○輕攏慢撚撥復挑。初爲霓裳後六
么。○大絃嘈嘈如急雨。小絃切切如私語。嘈嘈切切
錯雜彈。大珠小珠落玉盤。間關鶯語花底滑。幽咽泉
流水下灘。水泉冷澁絃凝絕。凝絕不通聲暫歇。○別
有幽愁暗恨生。此時無聲勝有聲。銀瓶乍破水漿迸。
鐵騎突出刀鎗鳴。○曲終抽撥當心畫。四絃一聲如

裂帛。東船西舫悄無言。惟見江心秋月白。○沉吟收
撥插絃中。整頓衣裳起斂容。○自言本是京城女。家
在蝦蟆陵下住。十三學得琵琶成。名屬教坊第一部。
曲罷常教善才伏。妝成每被秋娘妬。五陵少年爭纏
頭。一曲紅綃不知數。鈿頭銀篦擊節碎。血色羅裙翻
酒污。今年歡笑復明年。秋月春風等閑度。弟走從軍
阿嬖死。暮去朝來顏色故。門前冷落鞍馬稀。老大嫁
作商人婦。商人重利輕別離。前月浮梁買茶去。去年
江口守空船。遶船明月江水寒。夜深忽夢少年事。夢

啼粧淚紅闌干。○我聞琵琶已歎息。又聞此語重唧唧。同是天涯淪落人。相逢何必曾相識。○我從去年辭帝京。謫居卧病潯陽城。潯陽地僻無音樂。終歲不聞絲竹聲。住近湓江地低濕。黃蘆苦竹遶宅生。其間旦暮聞何物。杜鵑啼血猿哀鳴。豈無山歌與村笛。嘔啞啁哳難爲聽。今夜聞君琵琶語。如聽仙樂耳暫明。莫辭更坐彈一曲。爲君翻作琵琶行。感我此言良久立。却坐促絃絃轉急。淒淒不似向前聲。滿坐聞之皆掩泣。就中泣下誰最多。江州司馬青衫濕。

連昌宮辭

元稹

連昌宮中滿宮竹。歲久無人森似束。又有墻頭千葉桃。風動落花紅蔌蔌。○宮邊老人爲余泣。少年選進因曾入。上皇正在望仙樓。太真同憑欄干立。○樓上樓前盡珠翠。炫轉熒煌照天地。歸來如夢復如痴。何暇備言宮裏事。○初過寒食一百六。店舍無烟宮樹綠。夜半月高絃索鳴。賀老琵琶定場屋。力士傳呼覓念奴。念奴潛伴諸郎宿。須臾覓得又連催。特敕街中許然燭。春嬌滿眼睡紅綃。掠削雲鬟旋粧束。飛上九

天歌一聲二十五郎吹管逐逡巡大遍涼州徹色色
龜茲轟錄續李摹摩笛傍宮墻偷得新翻數般曲○
平明大駕發行宮萬人鼓舞途路中百官隊仗避岐
薛楊氏諸姨車闐風○明年十月東都破御路猶存
祿山過驅令供頓不敢藏萬姓無聲淚潛墮○兩宮
定後六七年却尋家舍行宮前莊園燒盡有枯井行
宮門闥樹宛然○嗣後相傳六皇帝不到離宮門久
閉往來年少說長安玄武樓前花萼廢○去年敕使
因斫竹偶值門開暫相逐荆榛櫛比塞池塘狐兔嬌

癡綠樹木舞榭欹傾基尚存文窓窈窕紗猶綠塵埋
粉壁舊花鈿烏啄風箏碎珠玉○上皇偏愛臨砌花
依然御榻臨階斜蛇出燕窠盤闥拱菌生香案正當
衙○寢殿相連端正樓太真梳洗樓上頭晨光未出
簾影黑至今反掛珊瑚鈎○指示傍人因慟哭却出
宮門淚相續自從此後還閉門夜夜狐狸上門屋○
我聞此語心骨悲太平致此亂者誰○翁言野父何
分別耳聞眼見爲君說姚崇宋璟作相公勸諫上皇
言語切○燮理陰陽禾黍豐調和中外無兵戎長官

清貧太守好揀選皆言由相公開元欲末姚宋死朝廷漸漸由妃子祿山宮裏養作兒虢國門前鬧如市弄權宰相不記名依稀憶得揚與李廟謨顛倒四海搖五十年來作瘡痂今皇神聖丞相明詔書纔下吳蜀平官軍又收淮西賊此賊亦除天下寧年年耕種宮前道今年不遣子孫耕老翁此意深望幸努力廟謨休用兵

○八言詩

詩曰我不敢效我友自逸此八言詩之祖也然亦未有成章而庾開府則創見者矣然不免間流為四言對扇故造句比九言為尤難

角調曲

庾亮

止戈見于絕轡之野稱伐聞于丹水之征信義俱存乃先忘食五材並用誰能去兵雖聖人之大寶曰位實天地之大德曰生涇渭同流清濁異態琴瑟並御雅鄭殊聲擾擾征人聲教不一茫茫禹跡車軌未并志在四海而尚恭儉心包宇宙而無驕盈言而無文行之不遠義而無立勤則無成惻隱其心訓以慈惠流宥其過哀矜典刑

又

匡贊之士或從魚釣雲雨之才乍嘆幽谷尋芳者追
 深徑之蘭識韻者採窮山之竹克明其德貢以三事
 樹之風聲言于九牧協用五紀風若從事農用八政
 其作其穀殊風共軌見之周南異畝同穎聞之康叔
 祁寒暑雨是無胥怨天覆雲油茲焉滲漉幸無謝上
 古之淳人庶可以封之于比屋

○九言詩

暮春即事

九言起於高貴卿公而今無考矣必一句中不可讀斷乃佳

無名氏

往年三月三日梅如豆今歲三月三日梅尚花天道
 無常何況此人事朝烟暮雨搔首情無涯

商調曲四首

庾亮

君以宮唱寬大而謨明臣以商應聞義則可行有能
 為政訪道于容成殷湯受命委任于阿衡忠其敬事
 有罪不逃刑誦其箴諫言之無隱情有剛有斷四方
 可以寧既頌既雅天下乃升平專精一致金石為之
 開動其兩心妻子恩情乖苟利社稷無有不盡懷昊
 天降祐元首惟康哉

其二

百川俱會大海以所深群材既聚故能成鄧林猛虎
在山百獸不敢侵忠臣處國天下無異心○昔我文
祖執心且危慮驅剪豺狼經營此天步今我受命又
無敢逸豫惟有弼諧各可知兢懼

其三

禮樂既正人神所以和玉帛有序志欲靜干戈各分
符瑞俱誓裂山河今日相樂對酒且當歌道德以喻
聽撞鍾之聲神姦不若觀鑄鼎之形艷宮既朝諸侯
于是穆岐湯或狩淮夷自此平○若涉大川言憑于
舟楫如和鼎實有寄于塩梅君臣一體可以靜氛埃
得人則治何世無奇才

其四

風力是舉而台階序平重黎既登而天地位成功無
與讓銘太常之旌世不失職受駢毛之盟輯瑞班瑞
穆穆于堯門惟翰惟屏撫撫于周原功成而治定禮
樂斯存復子而明辟姬且何言

歌白帝

謝莊

百川如鏡天地爽且明雲冲氣舉德盛在素精木葉
初下洞庭始揚波夜光徹地翻霜照懸河○庶類收
成歲功行欲寧浹池奉渥罄宇承秋靈

又

謝朓

帝悅于允執矩固司藏百川收潦精景應徂商○嘉
樹離披掄關命賓鳥夜月如霜秋風方嫋嫋○商陰
肅殺萬寶成已道勞哉望歲場功翼可收

○長短句

共十四首

悲落葉

蕭綜

悲落葉聯翩下重疊○重疊落且飛從橫去不歸○
長枝交蔭昔何密黃鳥關關動相失夕葉雜凝露朝
花翻亂日○亂春日起春風春風春日此時同一霜
兩霜猶可當五晨六旦已颯黃乍逐驚風舉高下任
飄颻○悲落葉落葉何時還夙昔共根本無復一相
關各隨灰土去高枝難重攀

情人玉清歌

畢燿

洛陽城中有一人名玉清可憐玉清如其名善踏斜
柯能獨立嬋娟花艷無及人○珠為裙玉為纓臨春

詩家全骨 卷之八
風吹玉笙悠悠滿天星黃金閣上晚粧成雲和曲中
爲曼聲玉梯不得踏搖袂兩盈盈城頭之日復何情

宣州謝朓樓餞別校書叔雲

李白

棄我去者昨日之日不可留亂我心者今日之日多
煩憂長風萬里送秋雁對此可以酣高樓○蓬萊文
章建安骨中間小謝又清發俱懷逸興壯思飛欲上
青天覽日月○抽刀斷水水更流舉杯消愁愁更愁
人生在世不稱意明朝散髮弄扁舟

東岳吟

李白

携妓東山去悵然悲謝安我妓今朝如花月他妓古
墳荒草寒白雞夢後三百歲灑酒澆君同所歡酣來
自作青海舞秋風吹落紫綺冠彼亦一時此亦一時
浩浩洪流之詠何必奇

寄遠

李白

憶昨東園桃李紅碧枝與君此時初別離金瓶落井
無消息令人行歎復坐思○坐思行歎成楚越春風
玉顏畏銷歇碧牕紛紛下落花青樓寂寂空明月○
兩不見但相思空留錦字表心素至今緘愁不忍窺

北風行

李白

燭龍栖寒門光耀猶且開日月照之何不及此唯有
 北風號怒天上来燕山雪花大如席片片吹落軒轅
 臺幽州思婦十二月停歌罷咲雙蛾摧倚門望行人
 念君長城苦寒良可哀別時提劍救邊去遺此虎紋
 金鞞鞞中有二雙白羽箭蜘蛛結網生塵埃箭空在
 人今戰死不復迴不忍見此物焚之已成灰黃河捧
 土尚可塞北風雨雪恨難裁

扶風豪士歌

李白

洛陽三月飛胡沙洛陽城中人怨嗟天津流水波赤
 血白骨相撐如亂麻我亦東奔向吳國浮雲四塞道
 路賒東方日出啼早鴉城門人開掃落花梧桐楊柳
 拂金井來醉扶風豪士家○扶風豪士天下奇意氣
 相傾山可移作人不倚將軍勢飲酒豈顧尚書期雕
 盤綺食會衆客吳歌趙舞香風吹原嘗春陵六國時
 開心寫意君所知堂中各有三千士明日報恩知是
 誰撫長劍一場眉清水白石何離離○脫吾帽向君
 咲飲君酒為君吟張良未逐赤松去橋邊黃石知我

蜀道難


李白

噫噓噓危乎高哉蜀道之難難于上青天蠶叢及魚
 鳥開國何茫然爾來四萬八千歲不與秦塞通人煙
 西當太白有鳥道可以橫絕峨眉巔地崩山摧壯士
 死然後天梯石棧相勾連上有六龍回日之高標下
 有衝波逆折之回川黃鶴之飛尚不能過猿猱欲度
 愁攀緣青泥何盤盤百步九折縈巖巒捫參歷井仰
 脇息以手拊膺坐長嘆○問君西遊何當還畏途巉

岩不可攀但見悲鳥號古木雄飛呼雌遶林間又聞
 子規啼夜月愁空山蜀道之難難于上青天使人聽
 此凋朱顏○連峯去天不盈尺枯松倒倚掛絕壁飛
 湍瀑流爭喧虺砢崖轉石萬壑雷其險也如此嗟爾
 遠道之人胡為乎來哉劍閣崢嶸而崔嵬一夫當關
 萬夫莫開所守或匪親化為狼與豺○朝避猛虎夕
 避長蛇磨牙吮血殺人如麻錦城雖云樂不如早還
 家蜀道之難難于上青天側身西望長咨嗟

兵車行

杜甫



車麟麟馬蕭蕭行人弓箭各在腰
爺娘妻子走相送塵埃不見咸陽橋
牽衣頓足攔道哭哭聲直上千雲
霄道傍過者問行人行人但云點行頻
○或從十五北防河便至四十西營田
去時里長與裹頭歸來頭白還戍邊
○邊庭流血成海水武皇開邊意未已
君不聞漢江山東二百州千村萬落生
荆杞縱有健婦把鋤犁禾生隴畝無
東西况復秦兵耐苦戰被驅不異犬與
鷄長者雖有問役夫敢伸恨○且如今
年冬未休關西卒縣官急索租租稅從
何出○信知生男

惡反是生女好生女猶得嫁比隣
生男埋沒隨百草○君不見青海頭
古來白骨無人收新鬼煩冤舊鬼哭
天陰雨濕聲啾啾

詠馬鞭一首

高適

龍竹養根凡幾年工人截之爲長鞭
一節一目皆天然珠重重星連連繞指
柔純金堅繩不直規不圓把向空中捎
一聲良馬有心日馳千

行路難

張韞

湘東行人長歎息十年離家歸未得
弊裘羸馬苦難

言家全龍 卷之八
言全
行僮僕盡飢少筋力君不見牀頭黃金盡壯士無顏色
龍蟠泥中未有雲不能生彼升天翼

有所思

盧仝

當時我醉美人家美人顏色嬌如花今日美人棄我去
青樓珠箔天之涯○娟娟姮娥月三五二八盈又
缺翠眉蟬髮生別離一望不見心斷絕○心斷絕幾
千里夢中醉臥巫山雲覺來淚滴湘江水○湘江兩
岸花木深美人不見愁人心含愁更奏綠綺琴調高
絃絕無知音美人兮美人不知爲暮雨兮爲朝雲相
思一夜梅花發忽到牕前疑是君

襄陽行

張潮

玉盤轉明珠君心無定準昨夜襄陽客剝說襄陽好
無盡襄陽水峴山垂漢水東流風北吹只言一世長
嬌寵那悟今朝見別離○君渡清羗渚知人獨不語
○妾見木栖林憶君相思深○莫作雲間鴻離聲顧
儔侶尚如匣中劍分形會向處是君婦識君情怨君
恨君爲此行下牀一宿不可保况乃萬里襄陽城襄
陽傳近大堤北君到襄陽莫回惑大堤諸女兒憐錢

詩家全覽 卷之八
不憐德

大漠行

崔湜

單于犯薊塢，驃騎畧蕭邊。
南山木葉飛下地，北海蓬根亂上天。
科斗連營太原道，魚麗合陣武威川。
三軍遙倚仗，萬里相馳逐。
旌旆悠悠靜瀚源，鼙鼓喧喧動盧谷。
窮徼出幽陵，吁嗟倦寢興。
馬蹄凍溜石，胡毳煖生冰。
雲沙決漭天光閉，河塞八色凝。
崆峒異國誰能托，蕭索邊心常不樂。
近見行人畏白龍，遙聞公主愁黃鶴。
陽春半岐路，聞瑤臺苑玉門關。
百花

芳樹紅將歇，二月蘭皋綠未還。
陣雲不散魚龍水，雨雪猶飛鴻鴈山。
山嶂連縣不可極，路遠辛勤夢顏色。
北堂萱草不寄來，東園桃李長相憶。
漢將紛紜攻戰盈，胡寇蕭條幽朔清。
韓君拜節偏知遠，鄭吉驅旌坐見迎。
火絕煙沉古西極，谷靜山空左北平。
但使將軍能百戰，不須天子築長城。

○三五七言詩

無題

李白

秋風清秋月明，落葉聚還散。
寒鴉棲復驚，相思相見

詩家全書 卷之八
知何日此時此夜難爲情

新安送陸澧歸江陰

劉長卿

新安路人來去早潮復晚潮明日知何處潮水無情亦解歸自憐長在新安住

○一三五七九言詩

無題

釋慧英

遊愁赤縣遠丹思抽鷺嶺寒風駛龍河激水流既喜朝聞日復日不覺年頽秋更秋已畢耆山本顧誠難住終望持經振錫往神州

○一字至七字詩

集無宋詩獨此與一字至十字唐人所以備一體云爾

興化亭送別

白居易

詩詩綺羨瑰奇明月夜落花時能助懽笑亦傷別離調清金石怨唵苦鬼神悲天下只應我愛世間惟有君知自從都尉別蘇句便到司空送田時

春日登大悲閣二首

錢惟治 宋人

閣閣雕鏤彩錯簇明霞攢麗萼玉女窺牖飛仙捧鐸沉烟燠寶香媚水涵珠箔千山蒼鬱晴霽萬井喧填曉郭登臨徙倚傍瓊欄滿目春光煦寥廓

又

閣閣般斤，剗作木從繩。工必度華飾，藻繪密施椽。楠
明蟾代寶燈，瑞霧為珠箔。欄危似倚高空，梯迥疑穿
碧落。有時閑上瞰人寰，自謂禽中騰一鶚。

○一字至十字詩

詠竹

文同

與可宋人

竹竹森寒，絜綠湘江濱。渭水曲，帷幔翠錦。戈矛蒼玉
心虛異衆草，節勁踰凡木。化龍杖入仙，陂呼鳳律鳴。
神谷月娥巾，帔靜冉冉。風女笙竽清，籛籛林間飲酒。

碎影搖樽，石上圍棋輕陰覆。局屈大夫逐去，徒悅椒
蘭陶先生歸來，但尋松菊。若論擅樂之操，無敵于君
欲圖瀟洒之姿，莫賢于僕。

○雜三五七言古體

體凡有六十七首

○宛轉歌二首

劉妙容

齊諧記曰：晉有會稽王敬伯，好學善鼓琴。年
十八，仕于東宮，為衛佐。休假還鄉，過吳維舟
中渚，登亭望月，悵然有懷。乃倚琴歌，湛露之
詩，俄聞戶外有嗟賞聲。見一女子，雅有顏色。
謂敬伯曰：女郎悅君之琴，願共撫之。敬伯許
焉。既而女郎至，姿質婉麗，綽有餘息。從以二
少女，一則向先至者，女郎乃撫琴，揮絃調韻。
哀雅因嘆息久之，乃命大婢酌酒，小婢彈箏。

篔作宛轉歌八曲敬伯唯憶二曲將去留錦
 卧具綉香囊以遺敬伯敬伯報以牙火籠王
 琴軫女郎悵然不忍別且曰邂逅旅館盡平
 生之志盖冥契非人事也言竟便去敬伯船
 至虎牢戍吳令劉惠明者有愛女早世舟中
 亡卧具於敬伯船獲焉敬伯具以告果于船
 中得火籠琴軫女郎名妙容字雅華大婢名春
 條小婢名桃枝皆相繼卒唐李端有王敬伯
 歌

月既明西軒琴復清寸心斗酒爭芳夜千秋萬歲同
 一情○歌宛轉宛轉妻以哀願為星與漢光影共徘徊

又

悲且傷參差淚成行低紅掩翠方無色金徽玉軫為
 誰鏘○歌宛轉宛轉情復悲願為烟與霧氛氲對容
 姿

代宛轉歌二首

劉方平

星參差明月二八燈五枝黃鶴瑤琴將別去芙蓉羽
 帳惜空垂○歌宛轉宛轉恨無窮願為潮與浪俱起
 碧流中

又

曉將盡黃姑織女銀河近九華錦衾無復情千金寶

鏡誰能引○歌宛轉宛轉傷別離願作楊與柳同向
玉容垂

宛轉歌

郎大家宋氏

風已清月朗琴復鳴掩抑悲千態殷勤是一聲○歌
宛轉宛轉和且長願為雙鴻鵠比翼共翱翔

又

日已暮長簷鳥應度此時望君君不來此時思君君
不顧○歌宛轉宛轉那能異棲宿願為形與影出入
垣相逐

○長相思

花間集與草堂詩餘皆濫觴於此至元而妖冶極矣鄭衛已有之誦詩者能無

乎愴

白居易

長相思又相憶關山征戍何時極望風雲絕音息上
林書不歸迴文徒自織羞將別後面還似初相識

又

張率

長相思又離別美人之遠如兩絕獨延佇心中結望
雲雲去遠望鳥鳥飛滅空望終若斯珠淚不能雪

又

武元衡

長相思隴雲愁單于臺上望伊州雁書絕蟬鬢秋行

人山北畔暮雨海西頭殷勤大河水東注不還流

又

徐陵

長相思好春節夢裏恒啼悲不洩帳中起窓前咽柳絮飛還聚遊絲斷復結欲見洛陽花如君隴頭雪

又

蕭淳之

長相思久離別新柳參差條可結壺關遠雁書絕對雲恒憶陣看花復愁雪猶有望歸心流黃未剪截

○平陵東

曹植

閭闔開天衢通被我羽衣乘飛龍○乘飛龍與仙期

東上蓬萊採靈芝○靈芝採之可服食年若王父終無極

鞠歌行

謝惠連

翔馳騎千里姿伯樂不舉誰能知南荆璧萬金貨下和不斲與石離年難留時易隕厲志莫賞徒勞疲沮齊音溺趙吹匠石善運卸不危古綿眇理參差單心慷慨雙淚垂

代雉朝飛

鮑照

雉朝飛振羽翼專場挾兩恃強力媒已驚翳又逼黃

詩家金鑑 卷之八
間潛穀盧矢直勿綉頸碎錦臆絕命君前無怨色握
君手執杯酒意氣相傾死何有

饋面辭

盧士深妻崔氏

取紅花取白雪與兒洗面作光悅取白雪取紅花與
兒洗面作妍華取花紅取雪白與兒洗面作光澤取
雪白取花紅與兒洗面作華容

寒夜怨

陶弘景

夜雲生夜鴻驚悽切嘹唳傷夜情空山霜滿高煙平
鈞華沈照帳孤明○寒月微寒風緊愁心絕愁淚盡

情人不勝怨思來誰能忍

桐栢曲

梁武帝

桐栢真昇帝賓戲伊谷遊洛濱參差列鳳筦容與起
梁塵望不可至徘徊謝時人

方丈曲

方丈上凌層雲挹八玉御三雲金書發幽會碧簡吐
玄門至道虛凝冥然共所遵

○江南弄

梁武帝

衆花雜色蒲上林舒芳耀彩垂輕陰連手蹈蹠舞春

心○舞春心臨歲臆中人望獨踟躕

龍笛曲

武帝

美人綿眇在雲堂雕金鏤竹眠玉床
婉愛寥亮繞虹梁○繞虹梁流月臺
駐狂風鬱徘徊

陽春曲

沈約

楊柳垂地燕差池緘情忍思落容儀
絃傷曲怨心自知○心自知人不見
動羅裙拂珠鈿

朝雲曲

沈約

陽臺氤氳多異色巫山高高上無極
雲來雲去常不

息○常不息夢來遊極高世度千秋

○樂未央

沈約

億舜日萬堯年詠湛露歌採蓮願雜百和氣
宛轉金鑪前

○六憶時四首

沈約

憶來時灼灼上堦墀勤勤叙別離
憊憊道相思相看常不足相見乃忘機

憶坐時默默羅帳前或歌四五曲
或弄兩三絃笑時應無比嗔時更可憐

詩家全骨 卷之八 三十一
憶食時臨盤動容色。欲坐復羞坐。欲食復羞食。含哺
如不饑。擎甌似無力。
憶眠時人眠疆未眠。解羅不待勸。就枕更須牽。復恐
傍人見。嬌羞在燭前。

別義陽郡二首

徐君倩

翔鳳樓遙望與雲浮。歌聲臨樹出。舞影入江流。葉落
看村近。天高應向秋。
飾面亭粧成更點。星頰上紅疑淺。眉心黛不青。故留
殘粉絮。掛着箔簾釘。

採蓮女

閻朝隱

採蓮女採蓮舟。春日春江春水流。蓮衣承玉釧。蓮刺
罨銀鈎。薄暮斂容歌一曲。氛氲香氣滿汀洲。

明月歌

比前多第三句

閻朝隱

梅花雪白柳葉黃。雲霧四起月蒼蒼。箭水冷冷漏刻
長。揮玉指拂羅裳。為君一奏楚明光。

江南弄

王勃

江南弄巫山連楚夢。行雲幾相送。○瑤軒金谷上春
時。玉童仙女無見期。紫露香烟渺難託。清風明月遙

詩家全譜 卷之八
相思○遙相思草徒綠為聽雙飛鳳凰曲

新曲二首

長孫無忌

阿儂家住朝歌下早傳名結伴來遊淇水上舊長情
玉佩金鈿隨步動雲羅霧縠逐風輕轉目機心懸自
許何須更待聽琴聲

迴雪凌波遊洛浦遇陳王婉約娉婷工巧笑侍蘭房
芙蓉綺帳還開揜翡翠珠被爛齊光長願今宵奉顏
色不愛聞蕭逐鳳凰

上壽歌

牛弘

俗已乂時又良朝玉帛會衣裳基同北辰乂壽共南
山長黎元鼓腹樂未央

朝雲引

郎大家宋氏 唐

巴西巫峽指巴東朝雲觸石上朝空○巫山巫峽高
何幾行雲行雨一時起○一時起三春暮若言來且
就陽臺路

長相思

郎大家

長相思乂離別關山阻風煙絕臺上鏡文銷袖中書
字滅不見君形影何曾有懽悅

言家全骨 卷之八
○贈西嶽山人李岡

岑參

居隱處當一星蓮花峯頭飯黃精仙人掌上演丹經
○鳥可到人莫攀隱來十年不下山袖中短書誰爲
達華陰道士買藥還

白紵辭

李白

揚清歌發皓齒北方佳人東隣子且吟白紵停綠水
長袖拂面爲君起○寒雲夜卷霜海空胡風吹天飄
塞鴻玉顏滿堂樂未終館娃日落歌吹濛

川上女

崔顥

川上女晚粧鮮日落青渚試輕楫汀長花滿正迴船
○暮來浪起風轉緊自言此去橫塘近綠江無伴夜
獨行獨行心緒愁無盡

○月歎

呂衡

別館月犁牛冰河金山雪道州月霜樹子規啼是血
壯心感此孤劍鳴沉火在灰殊未滅

風歎

青海風飛沙射面隨驚蓬洞庭風危檣欲拆身若空
兩馳南走有何事會須一次百年中

短歌行

顧况

城邊路今人犁田昔人墓○岸上沙昔時江水今人家
今人昔人共長歎四氣相催節回換明月皎皎入
華池白雲離離度清漢

牧童詞

李涉

朝牧牛牧牛下江曲夜牧牛牧牛村口谷荷笠出村
春雨細蘆管卧吹沙草綠亂插蓬蒿箭滿腰不怕猛
虎欺黃犢

○贈裴迪

王維

不相見不相見來久日日泉水頭常憶同携手○携
手本同心復嘆忽分襟相憶今如此相思深不深

寄崇梵僧

王維

崇梵僧崇梵僧秋歸覆釜春不還落花啼鳥紛紛亂
澗戶山牕寂寂閒峽裏誰知有人事郡中遙望空雲
山

幽居弄

顧况

苔衣生花露滴月入西林蕩東壁扣商占角兩三聲
洞戶谿窓一冥寂○獨去滄洲無四隣身嬰世網此

言家全骨。卷之八
何身關情命曲寄惆悵久別江南山裏人

春曉謠

張泌

雨微微烟霏霏小庭半折紅薔薇細箏斜倚畫屏曲
零落幾行金雁飛○蕭關夢斷無尋處萬疊春波起
南浦凌亂楊花撲繡簾曉窓時有流鶯語

送考功武負外學士使嵩山署舍利塔

張說

懷王泉戀仁者寂滅真心不可見空留影塔嵩巖下
○寶王四海轉千輪企曇百粒送分身山中二月娑

羅會虛唄遙遙秋思人○我念過去微塵劫與子禪
門同正法雖在神仙蘭省間常持清淨蓮花葉○來
亦好去亦好了觀車行馬不移當見菩提離煩惱

○漁父歌

張志和

西塞山前白鷺飛桃花流水鱖魚肥青箬笠綠蓑衣
斜風細雨不須歸

釣臺漁父褐爲裘兩兩三三舴艋舟能縱棹慣乘流
長江白浪不曾憂

雪溪灣裏釣漁翁舴艋爲家四復東江上雪浦邊風

言家全骨 卷之八
三十三
笑着荷衣不歎窮

松江蟹舍主人歡
菰飯莼羹亦共餐
楓葉落荻花乾
醉宿漁舟不覺寒

又

和凝

白芷汀寒立鷺鷥
蘋風輕剪浪花時
烟幕幕日遲遲
香引芙蓉惹釣絲

又

歐陽炯

風浩寒溪照膽明
小君山上玉蟾生
荷露墜翠烟輕
撥刺遊魚幾處驚

築城詞

張籍

築城處千人萬人齊抱杵
重重土堅試行錐軍吏
執鞭催作遲
○來時一年深磧裏
着盡短衣渴無水
力盡不得拋杵聲
杵聲未定人皆死
家家養男當門
戶今日作君城下土

採蓮曲

李康成

採蓮去月沒春江曙
○翠鈿紅袖水中央
青荷蓮子
襍衣香雲起風生
歸路長
○歸路長那得久
各迴船
兩揺手

言家全骨 卷之八
猛虎行

僧齊已

磨爾牙錯爾爪。狐莫威。兔莫狡。飢來吞噬取腸飽。○
橫行不怕日月明。皇天產爾爲生靈。前村半夜聞吼
聲。何人按劍燈熒熒。

長安道

白居易

花枝缺處青樓開。艷歌一曲酒一杯。美人勸我急行
樂。自古朱顏不再來。○君不見外州客。長安道。一回
來。一回老。

勸我酒

白居易

勸我酒。我不辭。請君歌。歌莫遲。○歌聲長。辭亦切。此
辭聽者堪愁絕。洛陽兒女面似花。河南大尹頭如雪。

真娘墓

白居易

真娘墓。虎丘道。不識真娘鏡中面。惟見真娘墓頭草。
霜摧桃李風折蓮。真娘死時猶少年。脂膚蕙手不牢
固。世間尤物難留連。○難留連。易銷歇。塞北花。江南
雪。

長沙贈衡岳祝融峯般若禪師

劉長卿

般若公。般若公。負鉢何時下祝融。歸路却看飛鳥外。

禪房空掩白雲中，桂花寥寥閑自落，流水無心西復東。

步虛詞

李德裕

湘水流，湘水流，九疑雲物至今愁。君問二妃何處所，零陵香草露中秋。

又

仙侍女董雙成，桂殿夜寒吹月笙。曲終却從仙官去，千門萬戶空月明。

又

河漢女，玉鍊顏，雲軒往往到人間。九霄有路去無跡，巢裊天風吹珮環。

瀟湘神

劉禹錫

斑竹枝，斑竹枝，淚痕點點寄相思。楚客欲聽瑤瑟怨，瀟湘深夜月明時。


短歌行

顧况

臨春風，聽春鳥，別多時，見時少。愁人夜來不得眠，瑤井玉繩相向曉。

八卷終

龍洞林子如茶句



Faint vertical text columns, possibly bleed-through from the reverse side of the page.

